

**“Navoiy kon-metallurgiya kombinati” aksiyadorlik jamiyatida  
Korrupsiyaga qarshi kurashish ishlarining samaradorligini oshirish hamda  
ochiqlik va shaffoflikni ta’minlash yo‘nalishida amalga oshirilgan ishlar  
to‘g‘risida  
H I S O B O T**

“NKMK” AJ (*keyingi o‘rinlarda - Kombinat*)da korrupsiyaga qarshi kurashish hamda ochiqlik va shaffoflikni ta’minlash sohalarida 2024-yil 1-choragi davomida bir qator ishlar amalga oshirildi.

**Korrupsiyaga qarshi kurashish sohasida:**

Kombinatning shtatlar jadvaliga asosan Komplayens xizmatiga (*keyingi o‘rinlarda - Xizmat*) **15 ta** shtat birligi ajratilgan bo‘lib, shundan 12 nafari xodimlar bilan to‘ldirilgan. Hozirda 3 ta vakant lavozimlarga xodimlarni ishga olish bo‘yicha tanlov jarayonlari davom etmoqda.

Kombinat Bosh direktori tomonidan 2024-yil 10-yanvarda Komplayens xizmatining **12 banddan** iborat 2024-yil ish rejasi tasdiqlandi. Mazkur ish rejaning bajarilishi nazoratga olindi.

Shuningdek, 2024-yil 30-yanvarda Kombinat tizimida raqobat to‘g‘risidagi qonunchilik hujjatlari talablarining buzilish xavflarini kamaytirish bo‘yicha **9 ta banddan** iborat yo‘l xaritasi tasdiqlandi va ijrosi nazorat olindi.

Kombinatda **2024-yildan** aksiyadorlarning umumiy yig‘ilishi, Kuzatuv kengashi va boshqaruviga ko‘rib chiqish uchun kiritiladigan va ularning so‘roviga ko‘ra yuboriladigan hujjatlar loyihalari, Bosh direktor va bosh direktor o‘rinbosarlari qabullari yakuni bo‘yicha tuzilgan bayonnomalar loyihalarini Bosh yuriskonsult va Komplayens xizmati tomonidan **huquqiy va korrupsiyaviy ekspertizasidan o‘tkazish tartibi** joriy etildi. Mazkur yo‘nalishlar bo‘yicha **29 ta** (*11 ta fuqaro qabullari bo‘yicha va 18 ta boshqaruvga ko‘rib chiqish uchun kiritilgan*) hujjatlarning qonuniyligi ko‘rib chiqildi.

Shu bilan birga, Kombinatning markaziy apparati va barcha tarkibiy bo‘linmalarida 2024-yil yanvar oyida korrupsiyaviy xavf-xatarlarni aniqlash va baholash o‘tkazildi. Baholash natijalariga ko‘ra, **947 ta** funksiyalar baholanib, shundan **3 ta** “yuqori”, **45 ta** “o‘rta” darajadagi xavf-xatarlar aniqlanib, ularni oldini olish va bartaraf etish yuzasidan 2024-yil 20-fevralda **46 ta** banddan iborat chora-tadbirlar Dasturi tasdiqlandi va ijrosi nazoratga olindi.

O‘tgan davr mobaynida Kombinat ishchi-xodimlari bilan **11 marotaba** (*jumladan, 10 ta seminar va 1 marotaba rasmiy veb saytda*) huquqiy targ‘ibot va profilaktik tadbirlar o‘tkazildi. Targ‘ibot tadbirlarida **853 nafar** ishchi-xodimlar ishtiroki ta’minlandi.

Bundan tashqari, Xizmat xodimlari tomonidan **13 marotaba** onlayn malaka oshirish kurslarida ishtirok etildi. Jumladan, Xalqaro korrupsiyaga qarshi kurashish akademiyasi (*International Anti-Corruption Academy*)ning “korrupsiyaga qarshi kurashish uchun xabar berish tizimi” yo‘nalishida **8 ta**, AQShdagi Pensilvaniya universitetining “komplayensning boshlang‘ich asoslari”, “komplayens dasturlarini samarali ishlatish”, “maxfiy hujjatlar va ma’lumotlarni himoya qilish” va shunga o‘xshash yo‘nalishlarda **5 ta** sertifikatlar olindi.

Komplayens xizmati tomonidan jami **1 665 ta** (*1 398 ta buyruq va 267 ta farmoyish*) ichki idoraviy hujjatlar korrupsiyaga qarshi huquqiy ekspertizadan o'tkazildi. Korrupsiyaviy ekspertiza natijasida **138 ta** ichki idoraviy hujjatlar normativ-huquqiy yoki ichki idoraviy hujjatlar talablariga muvofiqlashtirildi.

Shu bilan birga, Kombinatga xodimlarni ishga qabul qilish va boshqa ishga o'tkazish bo'yicha komissiyaning **75 ta** hamda homiylik va xayriya yordamlarini ko'rsatish komissiyasining **28 ta** yig'ilishlarida komissiya a'zosi sifatida ishtirok etildi.

Bundan tashqari, normativ-huquqiy va ichki idoraviy hujjatlarga o'zgartirishlar kiritish yuzasidan **1 ta** taklif ishlab chiqilib, tegishli tartibda amaliyotga joriy etish uchun taqdim etildi.

O'tgan davr mobaynida jami **8 marotaba** o'rganish va xizmat tekshiruvlari o'tkazilib, natijada **3 nafar** ishchi-xodim intizomiy javobgarlikka tortildi.

Kombinatga tanlov asosida ishga qabul qilinuvchi **135 nafar** nomzodlar ustidan "NKMK" AJ va uning tarkibiy bo'linmalarida ishga qabul qilinayotgan nomzodlarni tekshirish bo'yicha Yo'riqnoma talablari asosida tekshiruvlar amalga oshirildi. Nomzodlarni tekshirish natijasida **134 ta** ijobiy va **1 ta** salbiy xulosalar berildi.

Shu bilan birga, Kombinatda o'tkazilgan monitoringlar natijasida **2 ta** holatda **manfaatlar to'qnashuvi** aniqlanib, bartaraf etilishi ta'minlandi.

Shu bilan birga, tanlov va mehnat qonunchiligi doirasida ishga qabul qilingan **198 nafar** xodimlarning mehnat shartnomalariga hamda "NKMK" AJ tomonidan tuzilgan **4 268 ta** xo'jalik shartnomalariga korrupsiyaga qarshi shartlarning kiritilishi ta'minlandi.

Shuningdek, **21 ta** yuridik va jismoniy shaxslardan murojaatlar kelib tushgan bo'lib, shundan 20 tasiga huquqiy tushuntirish berildi va 1 ta murojaat hozirgi kunda o'rganib chiqilmoqda.

Xaridlar sohasida "Tovarlar, ishlar va xizmatlarni xarid qilish bo'yicha" Komissiyasi (*komissiya tarkibiga Komplayens xizmati kiritilgan*) tomonidan **8 ta** tanlash hujjatlari bo'yicha tovar yetkazib beruvchilar hujjatlari ko'rib chiqilib, qonuniylik ta'minlandi.

Xizmat tomonidan Kombinat bilan shartnomaviy munosabatlarga kirishmoqchi bo'lgan **31 ta** kontragentlarning faoliyati tekshirildi.

Shuningdek, O'zbekiston Respublikasi Prezidentining 2022-yil 12-yanvardagi "Korrupsiyaga qarshi kurashish ishlarining samaradorligini **reyting baholash** tizimini joriy etish chora-tadbirlari to'g'risida"gi PQ-81-son qaroriga ko'ra, 2023-yil yakuni bo'yicha **29 turdagi** ma'lumot va hisobotlar "**E-Anticor.uz**" elektron platformasiga kiritildi.

#### **Ochiqlik va shaffoflikni ta'minlash sohasida:**

O'zbekiston Respublikasi Prezidentining 2022-yil 14-iyundagi "Davlat organlari va tashkilotlari faoliyatining ochiqlik darajasini oshirish va baholash tizimini joriy etish chora-tadbirlari to'g'risida"gi 154-son Farmoni ijrosi yuzasidan tegishli ma'lumotlarning belgilangan muddatlarda Kombinatning rasmiy veb-saytida e'lon qilinishi ta'minlanmoqda.

Kombinatning [www.ngmk.uz](http://www.ngmk.uz) rasmiy veb-saytida hamda ichki portal (*kombinat xodimlari uchun joriy etilgan*) joriy etilgan **“Korrupsiyaga qarshi kurashish”** va **“Ochiq ma’lumotlar”** bo‘limlarida ichki idoraviy hujjatlar, e’lon qilinishi belgilangan ma’lumotlar, murojaatlarni yuborish uchun tegishli (*ishonch telefoni va elektron pochta*) aloqa kanallari, ijtimoiy videoroliklar hamda Komplayens xizmatining mas’ul xodimlari to‘g‘risidagi ma’lumotlar joylashtirildi hamda ushbu ma’lumotlar doimiy tarzda yangilanib borilishi nazoratga olindi.

Shu bilan birga, Kombinatning 2024-yil 9-fevraldagi tegishli buyrug‘i bilan “NKMK” AJning faoliyatiga oid ochiq e’lon qilinishi lozim bo‘lgan ijtimoiy ahamiyatga molik ma’lumotlar, ularni yangilab borish muddatlari va mas’ul ijrochilar ro‘yxati hamda ma’lumotlarning namunaviy shakllari tasdiqlandi. Mazkur ijtimoiy ahamiyatga molik ma’lumotlarni belgilangan muddatlarda rasmiy veb-saytga e’lon qilinishi nazoratga olindi.

Kombinat faoliyatida ochiqlik va shaffoflikni ta’minlash, ularning jamoatchilik va fuqarolar oldida hisobdorligini oshirish maqsadida ommaviy axborot vositalari vakillari va korxonalar ishchi-xodimlari ishtirokida **2024-yil 24-yanvar kuni** Navoiy shahridagi “NKMK tarixi” muzeyida **brifing** tashkil etildi.

**Komplayens xizmati boshlig‘i**

**R.F. Avezov**